

Na osnovu člana 16. stav (2) Zakona o Vladi Zeničko-dobojskog kantona – Prečišćen tekst („Službene novine Zeničko-dobojskog kantona”, broj: 7/10 i 3/23), a u vezi sa članom 9. Pravilnika o vrstama vlastitih prihoda u Federaciji Bosne i Hercegovine („Službene novine Federacije Bosne i Hercegovine”, broj: 104/22), na prijedlog Ministarstva unutrašnjih poslova, Vlada Zeničko-dobojskog kantona, na 28. sjednici, održanoj dana 24.05.2024. godine, d o n o s i

ODLUKU

o davanju saglasnosti na Pravilnik o vlastitim javnim prihodima Ministarstva unutrašnjih poslova Zeničko-dobojskog kantona

Član 1.

(Predmet)

Daje se saglasnost na Pravilnik o vlastitim javnim prihodima Ministarstva unutrašnjih poslova Zeničko-dobojskog kantona broj: 08-01-03/2-11-2-1067/24 od 16.04.2024. godine.

Član 2.

(Realizacija odluke)

Za realizaciju ove Odluke zadužuje se Ministarstvo unutrašnjih poslova i Ministarstvo finansija, svako u okviru svojih nadležnosti.

Član 3.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona”.

Broj: 02-11-9951/24

Datum, 24.05.2024. godine

Zenica

PREMIJER

Nezir Pivić

DOSTAVLJENO:

1 x Ministarstvo unutrašnjih poslova,

1 x Ministarstvo finansija;

1 x „Službene novine Zeničko-dobojskog kantona”,

1 x a/a.

Na osnovu člana 9. stav (1) Pravilnika o vrstama vlastitih javnih prihoda u Federaciji Bosne i Hercegovine („Službene novine Federacije Bosne i Hercegovine”, broj: 104/22), tačke 9.6. Pravilnika o načinu uplate pripadnosti i raspodjele javnih prihoda u Federaciji Bosne i Hercegovine („Službene novine Federacije Bosne i Hercegovine” broj: 54/20, 55/20, 63/20, 88/20, 28/21, 56/21, 83/21, 01/22, 34/22, 57/22, 76/22, 93/22, 94/22, 10/23, 37/23 i 81/23) i člana 20. stav (2) tačka d. Zakona o unutrašnjim poslovima Zeničko-dobojskog kantona („Službene novine Zeničko-dobojskog kantona”, broj: 13/18, 6/19, 22/19, 21/20, 10/21 i 8/23), uz saglasnost Vlade Zeničko-dobojskog kantona, ministar Ministarstva unutrašnjih poslova Zeničko-dobojskog kantona d o n o s i:

PRAVILNIK
o vlastitim javnim prihodima Ministarstva unutrašnjih poslova
Zeničko-dobojskog kantona

DIO PRVI - OPŠTE ODREDBE

Član 1.
(Predmet Pravilnika)

Pravilnikom o vlastitim javnim prihodima Ministarstva unutrašnjih poslova Zeničko-dobojskog kantona (u daljem tekstu: Pravilnik), uređuje se ostvarivanje, način uplate, vrsta, namjena korištenja i praćenje naplate vlastitih javnih prihoda Ministarstva unutrašnjih poslova Zeničko-dobojskog kantona (u daljem tekstu: Ministarstvo).

Član 2.
(Ravnopravnost spolova)

Izrazi koji su u ovom Pravilniku navedeni u jednom gramatičkom rodu odnose se na muški i ženski rod.

Član 3.
(Ostvarivanje vlastitih javnih prihoda)

Pod vlastitim javnim prihodima Ministarstva podrazumijevaju se prihodi koje Ministarstvo ostvari obavljanjem poslova na tržištu i u tržišnim uslovima, u skladu sa članom 4. stav (1) i (2) Pravilnika o vrstama vlastitih javnih prihoda u Federaciji Bosne i Hercegovine.

Član 4.
(Način uplate)

Prihodi iz člana 3. ovog Pravilnika uplaćuju se na Jedinstveni račun Trezora Zeničko-dobojskog kantona u skladu sa tačkom 9.6. Pravilnika o načinu uplate pripadnosti i raspodjele javnih prihoda u Federaciji Bosne i Hercegovine.

DIO DRUGI - VRSTA I NAKNADA ZA REALIZACIJU VLASTITIH JAVNIH PRIHODA

Član 5. (Vrsta vlastitih javnih prihoda)

Ministarstvo stiče vlastite javne prihode po osnovu izdavanja dijela poslovnih prostora u zakup evidentirani na kontu **722642** - Vlastiti javni prihodi od iznajmljivanja poslovnih prostora.

Član 6. (Naknada za realizaciju vlastitih javnih prihoda)

- (1) Visina naknade za ostvarivanje vlastitih javnih prihoda iz člana 5. ovog Pravilnika utvrđuje se ugovorom između Ministarstva i korisnika usluge.
- (2) Sektor za podršku Ministarstva priprema ugovor i prati realizaciju istog.

DIO TREĆI - NAMJENA I PRAĆENJE NAPLATE VLASTITIH JAVNIH PRIHODA

Član 7. (Namjena korištenja vlastitih javnih prihoda)

Vlastite javne prihode iz člana 5. ovog Pravilnika, Ministarstvo koristi za pokriće izdataka za materijalne troškove nastale obavljanjem poslova iz kojih proizilaze ti prihodi.

Član 8. (Praćenje naplate i raspoređivanje vlastitih javnih prihoda)

- (1) Ministarstvo redovno prati dospelost i odgovorno je za blagovremenu naplatu potraživanja po osnovu vlastitih javnih prihoda iz člana 5. ovog Pravilnika.
- (2) Naplata vlastitih javnih prihoda prati se putem izvještaja Ministarstva finansija Zeničko-dobojskog kantona.
- (3) Ministarstvo u mjesečnim operativnim planovima raspoređuje ostvarene vlastite javne prihode za pokriće izdataka iz člana 7. ovog Pravilnika.

Član 9. (Povrat i preknjiženje pogrešno ili više uplaćenih vlastitih javnih prihoda)

Povrat pogrešno ili više uplaćenih vlastitih javnih prihoda Ministarstva i preknjiženje istih vrši se u skladu sa Pravilnikom o procedurama za povrat više ili pogrešno uplaćenih javnih prihoda sa Jedinstvenog računa Trezora Zeničko-dobojskog kantona („Službene novine Zeničko-dobojskog kantona”, broj: 6/05, 8/12 i 6/23).

DIO ČETVRTI - ZAVRŠNE ODREDBE

Član 10.
(Stupanje na snagu)

Pravilnik stupa na snagu osmog dana od dana objavljivanja u „Službenim novinama Zeničko-dobojskog kantona”.

Broj: 08-01-03/2-11-2-1067/24

Datum: 16.04.2024. godine

M I N I S T A R

Emir Vračo